



~~14, 884.~~

Uf. 6734.



Uf 6734 (P1-5)

D. D.
MELETEMA HISTORICUM
DE
HOLMGARDIA,

Cujus
PARTEM PRIOREM,
CONSENSU AMPLISSIMÆ FACULT. PHILOSOPH. IN RE-
GIA ACADEMIA ABOENSI,

PRÆSIDE
VIRO CI.
**D^N. ALGOTHO A.
SCARIN.**

HISTOR. & PHILOS. CIVILIS PROFESSOR
ACADEMIÆQUE BIBLIOTHECARIO,

Publico examini subijcit

JOHANNES BILMARK. *Joh. Fil.*
V. GOTHRUS.

AD DIEM III OCTOBRIS, ANNI MDCCL.
H. & L. S.

ABOÆ, Ex. JOH. KÆMPF, Reg. Acad. Typogr.



Sac. R.æ M.æ
MAGNÆ FIDEI VIRO,
Reverendissimo PATRI ac DOMINO,

**D. DANIELI
JUSLENIO,**

S. S. Theologiæ DOCTORI celeberrimo, dioceseos
SKARENSIS EPISCOPO eminentissimo, Ven. Consist. PRÆ-
SIDI gravissimo, Reg. ibidem Gymn. & Schol. EPHO-
RO adcuratissimo,
MÆCENATI MAXIMO,

Maxime Mæcenas, PRÆSUL venerande Gothorum,
Suscipias, supplex rogo, quod frigida fœtum
Clio TIBI tenuem mittat de listore caro,
Litus, quo nomen resonat per amoena vireta,
Musarum usque TULLUM, cedro quod scripsit Apollo
Dudum, quo seri volvant TULA facta nepotes.
Littus, quo grex castra sequens vexillaque Christi,
Excubias cujus vigiles modo gnavius agebat,
Persolvit grates memori de corde perennes.
Gardia nostra, licet nomen nunc civibus ipsis
Vix notum, vasti pars est quoque littoris hujus.
Quas ergo ejus sistunt, diluta FATA colore,
Conscriptas obartas facilis vultuque sereno
Adspicias, quamvis nullo munuscula cultu.
Grandævum superes annis, rogo, Nestora multis
Indesule quo tanto Vestgothica rura fruantur!

REVERENDISSIMI NOMINIS TUI

Client humillimus

JOHANNES BILMARK.

1043280

RECTORI MAGNIFICO
Dn. Mag. OLAVO PRYSS,
Juris Patrii & Rom. PROFESSORI celeberrimo,
MÆCENATI MAGNO.

VIRO maxime reverendo atque celeberrimo,

Dn. Mag. SAMUELI PRYSS,
S. S. Theologiæ PROFESSORI dignissimo, utriusque
Consist. ADSESSORI gravissimo, Ecclesiæque Pama-
rensis PASTORI meritissimo,
Mæcenati magno & Nutritio indulgentissimo.

Cum magnos non nisi magna, neque doctos nisi tersa & ex-
quisito elaborata studio deceant, merito dubitat incommo-
da Minerva, satum huncce tenuem limato VESTRO conspectui
submittat, an vero in ipso, quod dicitur, partu eundem sup-
pressum sititura. Sed erigit & allicit dubitantem protexus &
singularis favor VESTER, quo me per aliquot annos amplecti
hanc designasti essis. Tuum imprimis studium, Tuæque MÆCE-
NAS & NUTRITIE propensissime, beneficia dum grata mente re-
colo, tanta & tam multa eadem esse invenio, quanta non mu-
nere, neque voto assequi possim, in illa distractione magna men-
tis meae, quam properata h. Parentis mors nuperrime accelera-
vit. Quicquid sit, ne merita VESTRA silentio involvere, me-
que solum ingrati animi crimine obligare velle videar, prae-
sentem de Holmgardia vetere historiæ nominibus VESTRIS
inscribere a pietate alienum non duxi. quam ut serena fronte
excipere, measque fortunas constanter conservare dignemini, hu-
millimus oro & obtestor. Conserve POSMET Summum Numen pa-
triae, arbi nostro literaria & demum stirpi inclutæ VESTRÆ pi-
gnori praesidioque, in longam annorum seriem, dum meis for-
tunis suffragandi studium ego neque penes POS un-

quam dehaerabo

CELEBERRIMORUM NOMINUM VESTRORUM

Cultor humillimus

JOHANNES BILMARK.

*VIRO admodum reverendo atque
praeclarissimo,*

**Dn. Mag. ANDREÆ
VICTORIN,**

*Pastori in Segelås meritissi-
mo, vicinique districtus pre-
posito vigilantissimo,
Avunculo semper colendo.*

*Viro plurimum reverendo atque
Clarissimo,*

**Dn. JOHANNI
BECHNER,**

*Pastori in Hwalstad dignis-
simo,*

Patruo carissimo.

Viro amplissimo,

**Dn. ANDREÆ
UNGER,**

*Civitatis Vexionensis Con-
suli æquissimo
Patruo honoratissimo.*

Viro spectatissimo,

**Dn. CAROLO
BILMARK,**

*Teloniorum civitatis Lin-
desbergensis Inspectori ad-
curatissimo,*

Patruo exoptatissimo.

Viro Spectatissimo,

Dn. SVENONI BILMARK,


*Gazæ publicæ a rationibus dexterrimo,
PATRUO OPTIMO.*

VObis, Avuncule & Patruo exoptatissimi, ob innu-
mera in se collata beneficia, gratissimum animum, sum-
mamque observantiam testificaturus, has qualescunque studio-
rum primitias, cum flagrantissimo omnis felicitatis voto of-
fero & consecrat

NOMINUM VESTRORUM

cultor observantissimus,

JOHANNES BILMARK.



§. I.



Retoræ plagæ inhabitatores inter anti-
quissimas gentes numerandos esse, vel
exinde constat, quod non aliunde, quam
ex ipsius Asiæ gremio primi advenerint
incolæ. Antesignanus enim coloniarum huc migrantis AS.
h. e. ex Asia oriundus (a) in antiquissimis dicitur hi-
storiis: immo expressis verbis identidem generis series
& stemma ejus ex Asia educitur. Scilicet, cum post
confusionem Babelicam increfcere magis magisque ge-
nus humanum inciperet, inque varias mundi partes co-
loniarum se infunderent per patentia maria aliarum; aliarum ve-
rò tuto magis itinere per lacus, paludes, flumina, ra-
tibus ruditer confectis, silvas & squalidas siccitate re-
giones occuparent: non minori cum veri specie, quam
annalium fide asseritur, Japhetidas, Volgæ, Tanais,
Borysthenis, Dunæ, Duvinarum ductum sequutos in hac po-
lo proxima otia concessisse, ibique quam alibi magis
securas commorationis sedes elegisse. Neque enim in-
clementia cœli aliqua plagæ invadendæ hujus moram
advenis iniecisse censenda est, id quod exterorum mul-
tis hodie magis, quam olim per quietem visum fuit; cor-
poribus enim minus nocet frigida, quam calentibus va-
riis

riis iisdemque noxiis exhalationibus oppleta atmosphaera. Videre autem video, quae fronte illi dicta excipiant, qui septentrionem primis post diluvium seculis, aquis ultra montes Riphæos assurgentibus, submersum fuisse probare conantur. Verum cum ad convellendam sacrae & profanae historiae antiquam fidem specter hypothesis ista in foro Philosophico, quantum satis est, nondum excussa, certe ad umbilicum non deducta; quin, in non paucis, ubi in exemplum regulae experientia citatur, ipsa secum, dissentiens sit: mihi certe, si quae in incerto adhuc fluctuans est opinio, adeo certa & evidens non adhuc obveniat, ut quae inhabitati ab antiquo orbis huius decora fuerunt, primus ego, vel inter primos eradere sustineam, obstinationi alicui dissensum meum non facile verum illi speraverim.

(a) *AS* Deus verus & summus olim dictus fuit. Inde Dii multarum gentium eodem nomine compellari capere, qui miraculo rerum gestarum, aut utilium inventionum claruere. Apud nostrates *ASIAMEN* & *ASKYNDUR* dicebantur, qui principis Phrygii in has terras comites fuere. Ab illo verò satia celebri nomine, sicut *ASIA* pars mundi divina, ita ex eodem quoque *ASGARD* & *ASHOF* civitas Dei cognominari meruere.

§ II.

Proximo ante natum CHRISTUM seculo, in borealem plagam *OTHINUS* II. concessit, Svehthiamque suae ditionis fecit, postquam in *GYLFONIS* ad obsequia facillimi regis familiam admissus, eundem diviniore cuiusdam sapientiae admiratione dementasset, populumque glaucomate isto ad defectionem a principe suo transduxisset. Venit non solus nec cum paucis, sed numerofo Asiaticorum stipatus agmine, regem, si praestigiae

astigiae non valerent, armis hastisque extrusurus. Tantam verò hominum nubem, qui in aliorum potius degere terris, quam in suis consensescere assueti erant, cum patria non caperet, in vicinas varias post non multo demigrationes & dispersiones factae fuerunt. *Venediam* transmarinam praeter ceteris regionibus in suas sedes consecrassent, qui murandi soli consilium cepissent, facti non unius loci testantur. Loquitur de recepto pridem aboriginum Gothorum more isto *Jornandes*, cum ex *Scanzia* insula, quasi officina gentium, aut certe velut vagina nationum, cum rege suo *Bericho*, Gothos quondam fuisse egressos; eosdem oceani ripas quaquaversum insedis, ibidem castra metatos, & veteres incolas, commisso praelio, avitis sedibus pulsos, suis applicuisse victoriis, perhibet. *Ulmerugiam* trans mare primam Gothorum coloniam tenuisse, Historicus idem commemorat: quam si *Venedico* sinui conterminam fuisse, eandemque *Careliae* & *Ingriae* partem olim constituisse, recentiores nonnulli evictum ire potuerint, non aliam, quam sequioris aevi *HOLMGARDIAM* fuisse, non è longinquo quisque videt.

§ III.

ET quod sequioris aevi coloniam *Orbini* attinet, non *Historia* solum illius in partes Orientales migrantis testis; sed refricant parociarum & praefectarum, quae adhuc supersunt, nomina quoque veterum ductorum suorum memoriam. *Sturlangeri* historia gentis Asiaticae, *Orbino* duce in septentrione primitus sedentis, & per omnes terras linguae suae commercium disseminantis, ab initio mentionem facit. Qui *Hervorae* historiam literis consignavit, *TIRCAS* nomine prodit. annon ex illis *Tirkar Fennigiam* transeuntibus, *TURKU* *RUSSIA*, *TURCILINGI*

Slavicae originis, & demum Aboënsis urbis Fennica denominatio descendat, vernacula nostrae me magis gnaros, arbitros appello. In *Savolaxia* occurrit parochia *SEMMINGE*. Othini sive filii sive nepotis, cujus sub auspicio primos accepit colonos, rerum gestarum gloriam retexens. *SAIMA* lacus, ipsaque regionis *SAVOLAXIÆ* (*SAIMENLAXIÆ*) appellatio a *SABMIS*, *SEMBIS*, *SEMLANDIÆ*, quæ hodie est, veteri colonia, aut certe stirpis Othinianæ in hanc terram duce, cujus mentionem modo fecimus, quique magnæ auctoritatis Vir, Verelio audit, utrum nomenclaturam suam traxerint, post non multo visuri erimus. *KARELIAM*, quam Venedia sub se complectitur, ita dictam a *KARO FORNIOTHI* filio, qui primus in hac regione sedem obtinuerit fixam, nob. *BJOERNER* evictum dedit in tr. de Varegis p. 137.

S. IV.

Nemo mirabitur, si, quæ primis temporibus in *Russia* contigerunt, tenebris, quibus Bosphoranorum acta cetera, cimmeriis sint involuta. Barbaries gentis ante non multa secula deposita, Tattarorumque, qui eadem diu imperitarunt, depredationes & incendia faciunt, ut credam, quod si quæ blattis & tineis escam non præbuerint monumenta domestica, fabulandi monachorum licentiâ omnia sint corrupta; qui, cum fastiscentibus majorum traditionibus lucem aliquam affundere videri voluere, nullo non imposturæ genere contaminare aggressi sunt. Nisi igitur historia Moschovitica annalium fide *Svethicorum* collustrata esset, certitudo gentis illius politię & œconomię, ad tempora usque *Roderici* ejusque fratrum Waregorum, omnis ferè vacillaret. *Risalandiam* ante adventum *Sigurlami* ali-

aliquos habuisse incolas, improbable non est: Gothis vero sedes hic sigentibus, reipublicæ formam eandemque Asiaticam vel monarchicam mox acquisivit. Post obitum *Sigurlami*, quid in hac terra actum sit gestumque non constat, nisi quod versus gigantes, filius ejus *Svafurlam*, gigas ipse, facinora magna & memorabilia ausus fuerit; utrum verò alias nationes, qui eundem proxime excipiebant, posterius illius subjugaverint, & quousque fines imperii sui dilataverint, præterquam per conjecturam augurari nemo potest. Quicquid sit, quamvis fortunam & conditionem primorum temporum gentis hujus expiscari nulli potuerimus; indubium tamen est, terram hanc, sicut ceteræ omnes orbis partes, in minora multa regna primitus divisam dissectamque fuisse. Eorum quodlibet suum agnovit exarchum, quorum maxime incliti sunt, qui *Novogardiæ*, *Holmgardiæ*, *Aldejoburgi* (*Stargard*) & *Kioviæ* sedes imperii habuere. Circa medium seculi IX. e *Varegia*, quam, ipsis ultro continentibus *Russis*, *Svethiam* esse non amplius ambigit quisquam, tres principes eisdemque consanguineos, *RODERICUM*, *SINNAUM* & *TROUVORUM* ad habenas imperii capeffendas evocarunt Moschovita. Hi triumviri vastam regionem inter se partiti sunt. *Rodericus* *Novogardiam*, *Sinaus* *Biela-Ozoram* & *Trouvorus* *Pleschoviam* obtinuit: *Sinao* autem & *Trouvoro* brevi post decedentibus, summa imperii *Roderico* in solidum fuit delata. Limites hos valde prorogavit *IGORI* *Roderici* filii fortissimus belli dux *OLEG* vel *QDEG*, quem cum *ODDONE* *Jaculatore* e *Norvagiæ* regulis oriundo, eundem esse in suo de *Varegis* schediasmate b. m. *BJOERNERUS* multis contendit, sub jugum *Ruthenorum* *Kioviæ*, *Smolenskoviæ* & pro-

provinciam Drevlianam, vel ut ab aliis nominatur, ducatum Pacinacensem mittens. Roderici pronepos fuit *VOLODOMIRUS* vel *VALDEMARUS*, qui eod. m. tempore, quo *ERICUS Victoriosus* Svethiæ monarcha vixit, & in annalibus Svethicis, præsertim *OLAVI Tryggvassonii* regis historia perquam celebris est. Ille prout fratrum suorum sanguine aditum sibi ad imperium aperuerat; ita discordiæ semina inter filios non minora sparsit, regnum inter illos dividens. Loco unius duodecim mox agnoscere regulos, filios *Valdemari*. regio coacta fuit. Novogardia, Polotsko, Kiovia, Rostovia, Muremia, Volodomiria, Plechovia, Tweria, &c. quæque suum nacta fuit dominum. Fratribus autem in se invicem debacchantibus & de summa imperii concertantibus, *JARISLAVUS*, *OLAVI* Skautkonung gener, Varegorum stipatus copiis, terras majoribus suis subjectas solus sibi vindicavit: orientali ditione excepta, quam *Mesitla-vus* quidam impotentis fortunæ suæ spoliū esse voluit, sed qui *Tattaris* hoc eodem tempore Poloniam & Silesiam obsidentibus, fascēs submittere post non multo coactus fuit. Hi cum in ulteriori Sarmatiæ parte, res suas ex sententia egissent, Moschoviæ subjugandæ mox consilium iniverunt. quin successit adeo prosperè illis etiam populatio ista, ut qui hætenus cum imperio fuissent, principes indigenæ, ad arbitrium horum dominorum se suaque conferre coacti fuerint. Atque in hoc statu permansit Russia ad annum usque 1477, quo *JOHANNES BASILIDES Senior* ad excutiendum jugum cervicibus Russorum a Tattaris impositum, animum viresque imperii sui convertere cepit.

S. V.

Qui historiam patriæ accuratius sunt rimati, præcipuè

zipuè verò *STURLONIDES*, reu apprime notatu dignum observat, sub *Svethiæ* nomine non æque patentem terræ tractum semper intelligi. Discrimen admittunt inter *SVITHJOD* & *SWEAWÆLDI*, inter *SWEALAND* & *SWEARIKE*, quod tam ex *Vitkina Saga* p. 76, quam ex aliis bene multis scriptis elici potest. Per *SVITHJOD* nonnunquam tota illa orbis pars, quæ a Ponto Euxino septentrionem versus se immenso spatio extendit, cognita fuit, & *SVETHIA MAGNA* dicebatur. Cui assertioni suffragatur *Ynglinga Saga* p. 112: *En northan ad Svarta hafi geingur SVITHJOD IN MIKLA, etbur in Kalþas: Svithjod ena mikla kalla sumer men eigi minni en Serkland in mikla, sumer jafna benni vid Blaland.* h. e. a Septentrione ad mare nigrum exporrecta fuit Svethia magna, vel frigida: hanc non minorem magna Serklandia (a) alii faciunt, eam cum Blalandia alii comparant. In eandem ingreditur sententiam *MATTHIAS MICHOVIVS* asserens: omnem illum tractum, qui priscis Sarmatia & Scythia Asiatica dicebatur, Gothici imperii & possessionis olim fuisse. Illius effatum pro genuinæ antiquitatis testimonio accipere, si detrectaverit quisquam, en descriptionem a *TORGNYO* Uplandorum nomarcha factam. *OLAVI* Skautkonungii tempore ille floruit, & de imperio S. Gothico, quod *ERICO EMUNDSONO* regnante, Finlandiam, Careliam, Esthoniā, Tattariam, aliasque late patentēs regiones ambitu suo comprehenderit, in ipsis regni comitiis testatum fuisse constat. Et profecto, si Svethia officina & vagina fuit gentium, quam laudem firmis admodum argumentis eidem vindicarunt Historici, vix pauciores illam complexam fuisse regiones oportet. Ex Scandinaviæ enim proprie sic dictæ gremio tot tamque popu-

8
 populosas emitte potuisse colonias vix alias credibile videtur. quid? quod cum hostes ingentibus stipatos copiis laceffere non dubitaverint nostrates, quis non habitabilis Svethiae maximam olim vastitatem fuisse, ultro agnoscat? Quaestionem facile suboriri intelligo, quo tempore potentia Sveo-Gothica ad tantum adscenderit fastigium? Hoc factum esse existimaverim, paulo post, quam *Othinus* II. septentrionales terras sibi subiecisset. Eundem filium *Sigurlamum* ad orientem dittoni universae, puta *Venediae* praefecisse modo audivimus, sed non alio, quam fiduciario jure solo: neque dubitamus, quin nihilominus curandae summae rei arbitrium potestatemque sibi reservaverit Othini imperiosa majestas. Qua vero tempestate recentioris avi migrationes ab aliis in alias gentes susceptae fuerint, res est non adhuc, quantum satis est, palam facta. Id eventus ipse docuit, quod ingruentibus domi variis tam externis quam internis calamitatibus, provincias Tanai adjacentes hostibus cedere coacti fuerint Svethi; in illo magis magisque coarctato Svethiae imperio satis habentes, quod Novogardiae Plechoviaeque reguli supremo regi Upsalensi fiduciario jure per plurimum seculorum decursum obnoxii vixerint. Praestabant illi reguli, ad modum Germanorum *Marchae-comitum*, praesidium versus incursiones barbarorum, & quotquot juris illius dittonisque cives fuere, aspreolorum pellibus, in vicem tributi, solutis, securitatem privatae domus suae singuli, idque quotannis redimebant. Sed fuit illud fiduciarium imperium neque semper tranquillum. Fuere inter illius principes alii alique, qui invigilantes occasione, alienigenam dominum detrectantes, plenarium jus regni ipsi sibi vindicare aggressi sunt. Decrescente me-

9
 memoria naturalis cognationis, nocendi proclivitatem in genere humano succrevisse, *CICERO* monet. De Othinianis *Varegis* idem dicendum, quod imminuta apud ipsos etiam communis stirpis memoria, gloriae & dignitatis suae auctoribus post non multo imminere coeperint. De *HERNITHO* enim ab origine proximè remoto regulo legimus, quod regnum Gothorum ipse invaserit, ejusque cives tyrannica manu supplantaverit. Meminit turbati imperii & temporum illorum *RIMBERTUS*, *Anscharii* religionis testis idemque vitae illius fidus auctor, cum avo suo quoque Sveonum regem *OLAVUM* II. *Bjarnonis* Haugenis filium, in Curlandiam valido congregato exercitu expeditionem fecisse narrat, urbibus praecipuis expugnatis ad victas manus dandum compulisse gentem, datisque obsidibus ad census sveci solutionem, imperiique Svethici, sicut antea, superioritatem agnoscendam metu suo adegisse, commemorat. Danos occasionem invigilasse & *Anscharii* aetate ad excutiendum jugum S. Gothorum cum rebelligente collulisse, insuper etiam memoriae prodit: verum *HACHONE RUFO* regnante adhuc imperii S. Gothici partem constituisse, *ADAMO BREMENSI* praeeunte, venerabilis Acad. Upsal. Senior Dn. Doctor *OLAVUS CELSIUS* observatum dedit in epistola ad Cl. Praesidem data, cujus apud *NETTELBLADIUM* Bibliothec. Sveth. Part. V. p. 66 copia prostat. Haec & alia multa ex antiquis annalibus deprompta testimonia, satis indicant superque, *VAREGIS SVETHIS* quondam paruisse Venediam, imperiumque horum cum detrectarent incolae, ad necessitatem dedendi semet regi Upsalensi iterum iterumque fuisse compullos.

(a) *SERKLANDLE* non unius, sed geminae in historiis
 B
 prae

priscis mentionem fieri; alterius Tartariae seu Sirkassiae, vulgo sic dictae; alterius Africanæ, urget in laudato jam ante Schediasmate suo p. 73, Bjærnerus, qui inter mortales nuper esse desit. *RELANDIA* in historia Asm. & Eigilli *BEAUSU, MAN-LANDIA* dicta, situm cum Bulgaria Russorum eundem obtinet.

S. VI.

Vere dixit nonnemo: vocabula sunt vestigia, ab eorum cubicula. Oriuntur, Ammonia teste, philosopho peripatetico, nomina non sine mente & consilio. Conferunt alii nomina, spe inducti; aliae ad conservandam memoriam appellationes imponuntur. Ad coniungendam cum posteritate antiquitatem gentis suæ, nostratium coloniis ubique fere usitarum fuit, ut quæ longo usu increbuisent, vernacula locorum nomina, victribus armis suis ad externos quoque propagaverint. Hinc qua parte terrarum inveniuntur, immo multiplicantur notiones Gothicae, quis non incolarum gentis illius inibi se quoque rationem repensisse agnoscit? Certe non ego, neque alius quisquam facile concipere potest, qui nomina, mores & caeremonias Gothorum penes se irreperere pati potuerint Venedi, nisi a Scandianis majores suam originem olim habuissent. Est Russorum lingua notionibus Sarmaticis usque adeo referta, ut si voluissent fata ad ipsos pertinere nomenclationem primam locorum, vocabula, quibus una cum regione inelarescerent, aliunde arcescere, civibus plane non fuisset opus. Nunc cum non mare ipsum modo, sed & fretum, immo regiones & urbes in proximæ nationibus mere Gothicis insigniantur, coloniam gentis nostræ viciniam illam prius incedisse, res ipsa loquitur. Trahit in illam sententiam exterorum multos, etiam invitos, *JORNANDIS* testimonium, cum de popu-

populis ex Scanzia emigrantibus perhibet, quod quascunque terras infederint, iisdem quoque ex se nomina indiderint. confr. Hist. Ger. C. 13. Urssisse idem institutum aliarum orbis terrarum occupationibus distentos, in comperto res est posita. (*) Interim cum impetu non uno sed diverso i. e. per intervalla temporum frangere potuerint nostratium sobolem vere martiam, in pristinum robur iterum iterumque convalescentem; magis de vindicando sibi principatu, quam de abolendis pristinis nominibus curam cogitationemque intendisse suam, cum fastis consentiens usus ipse comprobatur. Ut quæ dicta sunt exemplis non multis sed probis & validis evictum eam. Nostrum quis, quæso, nescit gentis, quæ ultra Vinlandiam sedes suas fixerat, principes *VÆRINGAR* dictos fuisse. Est nomen idem Gothicae omnino originis, & quo vix aliud breviter & concinnè magis illorum summam officiorum exprimere potuit. *VÆRING* descendit a *VERGJA* vel *VÆRJA* & significat non solum vim aliorum infringere; verum etiam periculi imminentiis quempiam admonere. Hinc *WARG* nomen, item *VÆRJA*, *VÆRJENDUR*, *VÆRINGUR*, *VÆRING* custos originem traxit. *KIRCKOWARGAR* curatores & economi templorum apud Scanos hodie quoque insigniuntur. De vocabulo hoc, *VÆRINGORUM* quoque officiis vid. Diss. Cl. Praefidis de *VAREGORUM* originibus, nob. *BIOERNERI* tr. de *VAREGIS*, itemque Prof. Lundensis Cel. Dni *BRINGS* de *GOTHUNGIA* commentationem p. 36. Ab hac notione literarum, caractere solo dissentit alia decomposita, quæ *LANDVARNAR-MADUR* a *LAND* terra, *VARNA* admonere & *MADUR* viro h. e. regionum praefidarii reguli iidem nuncupantur. Occurrit in annalibus horum Vasallorum

(*WACHTSHALDIR*) frequens mentio, quomodo, invalescentius una cum tempore opibus illorum, Upsalensi supremæ potestati, fiduciario jure subjici denique aspernati sint. Loquitur res ipsa quoque, quomodo hostibus ingruentibus, quoties suppetias peterent, indigerentque, nulla habita detrectari obsequii ratione, a sui genitore vel effettore populo multoties obtinuerint; quin, cum intra Scandiam bella externa, sæpe etiam civilia increbescerent, reductos ad obsequium regulos hosce progenitoribus auxilia submisisse; immo contractis matrimoniis arctissimam utrinque conjunctionem sapius promotam & stabiliorem redditam fuisse constat. Felices non una parte neque uno modo, quamdiu cum *Marchionibus* suis *Svethiæ* conveniret. Sed non diu fuit, antequam dissensiones armis non utilis frangendæ se undequaque novere inciperent. quam enim gratiam degeneres filii parentibus rependere crebro solent, eandem refractaria *EXCUBITORUM* soboles hæcce quoque avitæ genti suæ sæpe retribuit.

(*) *Borussiae & Pomeraniae ditiones boaiernae annon Slavici & Veneis in illas terras sequioris ævi colonie nomenclationem suam debent?*

§ VII.

Sed sunt non illæ voces unicæ, quæ, quod dici solet, ex *Græcia* in *Latium* immigravere: sunt adhuc plura nomina a *Gothis* desumptorum exempla obvia. Terra, quæ regulis, quorum titulos breviter expendimus, paruit, *GARDARICÆ* nomine olim quoque compellatur. Hanc ita dictam vult *SCHOETGENIUS* in tr. de *Russorum* *Synonymis*, quasi urbibus dives, majori illarum copia abundaverit, quam ulla alia tum temporis septentrionis regio. Quod si verò attendere Viro

Clas-

clarissimo placuisset ad ea, quæ de Germanis *CÆSAR* & *TACITUS*, atque de urbium in universum antiquitate dixerit *COARINGIUS*, quod ante *CAROLI* M. tempora urbes penes se nullas, majores nostri pari potuerint, honorem antiquitatis & nobilitatis politicæ nus illud paganis inhabitatoribus hujus plagæ, adeo non promptè & licenter tribuisset. Fuisse civitates eorum longo tempore merè rusticas, & citra urbes legibus & imperio stetitisse solo, *Illustris* *VILDE* in sua historia politica evictum dedit. Deducitur autem *GARDARICÆ* nomen a *GARD* custodia & *RIKE* regno. Olim enim incolæ hujus regni *Scandianis* in custodiam positos fuisse, seu qui hostium insultus reprimerent, supra monuimus. De *ZENOBLA* *Palmyrenorum* regina prostat effatum *TREBELLIUS POLLIONIS*, quod servante illa fines imperii Romani ad orientem, quæ instituisent securius ipsi perpetrare potuerint. De *Gothici* imperii feudatariis hæc formulam decernendi eandem non inepte accommodari posse, quisque videt. *GARDARICIA* autem a *Slavis* h. e. *Russis* & *Borussis* direptâ, *Svethiam* violentam hostium tempestatem prope perirentire cœpisse, certe otii, quo fatiscentis domi sortis suæ incommoda levaret, jacturam fecisse, in aprico posita res est.

§ VIII.

Dicitur identidem regio hæc quoque *GARDAWELDI* a *GARD* custodem, & *WELDI* imperium denotante, adeoque *GARDAWELDI*, vi derivationis, est regio custodum vel Gardianorum subiecta imperio. *AUSTERGARDIÆ* & *OSTERGARDIÆ*, nomine quoque insignita fuit, ab *ANSTR* oriente & *GARD* custode sive munimento, significatque adeo non ex idem, terram hanc

pro-

propugnaculum regionum Svethicarum versus plagam orientalem sitarum fuisse. Quid, quod antiquissimæ membranæ & musco circumliti lapides runici mentionem injiciunt itinerum, quæ Othiniani in *AUSTURVEGIAM* olim instituerunt, *HAN REISTI AUSTURVÆGS*. Quamvis autem fatendum sit per *AUSTURVEGIAM* omnes orientem versus sitas regiones interdum intellectas fuisse; sæpius tamen *Venedia* primorum temporum eo nomine indigitatur. Componitur autem *AUSTURVEGIA* ab *AUSTR* oriente & *VEG* via, notissimum enim est, Gothos gloriam famamque aucupaturos, versus alias non magis aut sæpius, quam orientalem plagam hancce quondam expeditiones instituisse. Causa sine dubio, quod in bivio quasi sitæ fuerint dictæ regiones, unde in orientem pariterque occidentem commodissime iri potuit. Hinc Russi *AUSTURVÆGS-MÆN* à Gothis appellantur. cfr. *STURLONIDEM* citatum *LUNDIO* in *Zamolxe* C. 1. §. 16.

§. IX.

Sed non *Gardariciæ* nomine, ceterisque cognominibus saltem cognita hæc Marchionum regio, verum in annalibus Norvagicis *OSTWENDEN* etiam nuncupatur; cfr. ad *Heimskringla* Tom. II. indicem, ubi in itinere, quod *HARALDUS Hårdroede* ad *JARISLAVUM* *Gardariciæ* regem ingressus fuerat, describendo auctor occupatur. Præfectus *OSTWENDIÆ* ab affine rege ibidem constitutus dicitur. *OSTWENDIA* autem dicitur, sequioris avi *Venedorum* intuitu, qui ex hac nostra, seu matris gremio egressi, Baltici maris viciniam Scandix oppositam omnem fere coloniis suis impleverunt. *REID. GOTHALANIAM* h. e. dynastarum Sveo-Gothicorum una cum patriâ, regnum, præcipue verò *ANGANTYRI*,
HEID.

HEIDRECI & ceterorum, in hoc maris recessu insuper etiam quærendum esse multi urgent. Sed cum sit nobis constitutum de situ terræ illius agere thesi ultima occasione *SAMSOÆ* insulæ, in quo altero maris campo, seria ludorum olim explicuit pugilum turba Gothorum, donec eodem nos deduxerit series dicendorum, ancipitis, & si quæ alia controversæ rei illius examine interea superse demus. *HOLMGARDIÆ* oram, una cum vicini maris sinu, *VAREGIÆ* nomine Russis ipsis hodie quoque venire, non unus & alter, sed plures veteris avi consulti evidum iuverunt. *DROMITAS*, a remigibus, qui naves actuarias concitatissimo cursu impellerent, itemque *SFOROS*, *SLAVOS*, *ROSSEIUS*, *COSSEROS*que, exteris scriptoribus plagæ huius inhabitatores appellatos fuisse, constat. Sed cum nostri instituti res sit, non peregrinis gentibus, sed saltem nostræ genti usitatas evolvere nomenclaturas, intra septum me retineo, & ad illud, quod caput rei est, *HOLMGARDIÆ* puta recensitionem nominis me met demum accingo. Est illud Scriptoribus rerum Svethicarum & Norvagicarum familiarissimum, unde disertationem nostram illo quoque nomine inscripsimus. Et certe ad exprimendum natale solum pristini incolatus gentis huius, nescio an genuinum magis aliud in medium proferri possit.

§. X.

O*STROGARDIÆ* & *OSTWENDIÆ* cognomento tractum illum omnem, qui Botnicum & Venedicum sinum interjacet, venisse olim, multa ad fidem faciendam præro lunt argumenta. De *Holmgardia* idem dicendum. Neque enim apud Russos solum, sed in præfectura *Kymenegarden* adhuc nomen superest, id quod præ-
gra-

graphie sequens nos erudiet. Quodnam verò nomen; *OSTROGARDIÆ & OSIVENDIÆ*, an vero *HOLMGARDIÆ* robustum magis antiquitateque inveteratum sit, anceps est conjectura. Existimaverim interim, donec firmioribus in contrarium argumentis omnis sublata fuerit incertitudo, in illo certamine *OSTROGARDIÆ & OSIVENDIÆ* palmam esse concedendam. Etenim qui Scandiæ ad ortum oppositas terras, jure indigenatus primitus incolere, Venedi dicti fuere; & demum palatarum seu *GARDIÆ* feudo inibi instituto, qui custodiam limitum regnantis stirpis suæ receperunt, *GARDIANOS* & commissam curæ illorum regionem, *GARDARICIAM* & *OSTROGARDIAM* ab illo minimum tempore, quo a *Stigurlam* (*ODD LAME*) (4) Svethiæ regis genero terra illa inundari cœpit, nuncupatam fuisse, verosimile est. *HOLMGARDIÆ* contra nomen, si etymologiam sequi velimus, tum demum civitate donari cœpisse videtur, cum dynastia Othiniana in his oris ad occasum vergeret, & *Venlândia* propriè sic dicta, Moschoviaque non amplius unitæ, sed bifariam dissectæ, seorsim *MAGNUM DUCATUM* singulæ constituebant.

(4) Sigurlami inter filios Othini in genealogiis vetustis nulla sit mentio, nisi sit idem, qui nominis affinitate in illa stirpe & filiarum Othini recensione (*Landfedgatal*) *Odd Lame* dicitur h. e. mucronum hebetator, teste *Verelio*. Siguri verò i. e. victoriosi cognomine, in ceteris celebris erat Othinus. Ex eodem nomine venire, certe venire potuisse filii appellationem perquam verosimile videtur, *LAM* vero propriè paralyticum h. e. debitum & membris fractum denotat; improprie maleficium exprimit, quo fabricata a *Dvergis* arma, nescio quo carminis aut succi veneno hebetari, veteribus pro persuasissimo habebatur.

§. XI.

§. XI. *origines populi scandinavici*
Qui Russorum origines accuratissimo judicio nuper investigavit Cl. *SCHOETGENIUS*, *Dresdensis*, inter Moschoviz nomina refert quoque *HOLMGARDIAM*, idemque, Sturlonide auctore, cum orientis *GARDARICIA* pro synonymo agnoscit. Rationem redditurus appellationis, civitatem fluctibus cinctam innuere dicit. Quæ cum continentis Gardariciæ ambitum vastitatemque neutiquam comprehenderet nomenclatura, thema notionis Holmgardicæ nondum satis evolutum esse fatetur. Ab *OERNHJELMIO* etymologiæ suæ rationem desumpsisse *SCHOETGENIUM* non ego dixerim. Interim ex annalibus ecclesiæ S. Gothicæ *Summi Viri* constat, quod *Holmgardiæ* regnum in *Curlandiæ* & *Æsthoniæ* insulas, & quidem præcipue in *OEsel* & *Dagön* imperii illius sedem prolatum iverit. In illo maris recessu & proximis littori insulis sedem imperii constitutam fuisse, & ex confuso terris freto *Holmgardiæ* nomen demum emeruisse, ait. Onomatologiæ isti & quæ eidem superstructa est historiciæ fidei nihil nos derogatum volumus. Sed cum hærentem in etymo illo & propè dissidentem invenerim *Schoetgenium*; quin, neque conspirantem in illam *Oernhjelmii* sententiam alium quempiam historicorum viderim: mihi neque vitio verti spero, si quæ aliis magis idonea apparet vocis illius originatio, ejusdem in præsentia quoque meminero. *Coloniæ Asiaticæ* partem, filio *Othini* archistratego, in *Venediam* contendisse, & quibus paulo ante Svethi, artibus iisdem indigenam gentem hac quoque regione sub signa vocatam fuisse, diximus. Fuere duces inibi, tempore nonnullo, clientelari jure subjecti *Upsalensi* dynastiæ; id quod *HOLMGARDA-LÆHN* nostra-

rostratibus dicta regio insuper inculcat. (a). Sed cum in longa posteritate avita stirpis reverentia obsolevisset, factum sensim, ut intestina æmulatione eorum, qui rempublicam capesterent, in duplum vel triplum discerperetur magnus ducatus (b), & de litibus, quibus in diversam plagam aditus præmuniretur, consilia, quorum intererat, inire inciperent. Turrium arte factarum supereilio non adhuc turgēbat barbara regio. Montium muri immortales, marisque ceu flumine interfusi vortices, castellorum, quæ nostri avi sunt, vicem, rudi & inhospito illo tempore, sustinuisse videntur. (c) Qui Savolaxiam & veterem Gardariciam ab hodierna *Lavastia* (d) dirimit *Saimen* lacus ab una parte *Ladoga* (e) palude terminatur, ab altera autem, continuato in arctum & profundum alveo, Ostrobotniam usque exporrigitur. Est ille lacus L circiter milliarium, scopulis & insulis tenui freto adherentibus frequens adeo, ut ad orientem & occidentem sitæ regiones finitimæ septo valido & perenni magis alio communiri vix poterint. Istiusmodi propugnaculo turrato & præcipiti *HOLMGARDIÆ* nomen originem suam debere, captaeque nominis illius naturali opportunitate, incolæ unius adhuc palati & lingvæ, littoribus discretam regionem compellare coepisse, credibile est. Neque in nomarchia Kymenegardeni modo *TESSIOE-HOLMGARD*, æquestre prædium superest: verum in imperio Moschovitico ab urbe Archangelopoli procul neque diffitum est *CHOLMOGOROD* municipium (f), quod *HOLMGARDIÆ* veterem notionem in suo nomine renovare non difficebitur, qui Russorum morem augendi numerum literarum rite observaverit. Vocabulum ipsum, demto

augmen-

augmento, non syllabæ, sed saltem literulæ unius, mere Gothicum esse non dubitabit, qui in ipso Gothiæ gremio, & quidem præfectura Bahusienfi, eandem appellationem recurrere noverit in prædio olim possessionis *STENONIS MALTESONII*, provinciæ Gubernatoris, cuius cum honore meminit vir Cl. *JOH. OEDMAN* in præfecturæ illius paulo ante luci publicæ data descriptione. p. 103. *HOLMGARDIÆ NIPHUNGICIÆ* in alpibus Helveticis sitæ historia Vilkinii insuper etiam meminit. Sobolem esse coloniam *NÆFILUNGORUM*, *HOLMGARDIÆ* nostræ olim Dominorum nemo dubitat. *EIVINDUS* & *NÆFILLUS* Holmgardiæ hereditarii erant, teste ex Mscr. codice veteri, *Peringikældio*. * A *NÆFILLO* autem gentis & nominis illius satore, aut saltem posterorum aliquo migrationis Gothicæ illustri socio, sicut *NIEFLUNGALANDIAM* hodie Burgundiam: ita *Holmgardiam Helveticam* suum quoque cognomentum invenisse, non longe videbit, cui plurimum in Italia & Germania sitorum locorum nomenclaturam expendere, eandemque mere Gothicam esse, attendere, a te sua alienum non visum fuerit.

(a) Sub nomine *HOLMGARDA-LÆHN* in chronicis nostris fere ubique occurrit hæc regio. *LÆHN* vero cum immobilis rei beneficium militibus concessum importet; unde *LANDSLÆHN* & *LÆNDERMADUR*; apparet Holmgardiæ principum jura, antequam auctæ & prolatæ essent sedes illorum, fidei & obsequii professionem fuisse: saltem titulo non alio quam Vasallagii possessionem illorum regionem.

(b) Magni ducatus nomine tergemina in vicinia regionem, Lithuaniam, Russiam & Fenningiam insigniri, palam produnt politici annales. Ad dominatum dynastæ uni-
to integrum tractum aliquamdiu pervenisse, non titulus ipse

Ca

modo,

modo, primum universitati competens, & post distractionem
mox singularum partium factus, indicio esse potest: sed ad-
sunt communis ejusdem genuini testes alii quoque. In ce-
teris auctor anonymus chronici Fennigiae, separationis Fen-
norum a Russia meminit, quod sine confederatione praece-
dente concipi nequit. Loquitur de eadem non obscure MES-
SENIUS, & qui in chronicon Fennicum strictionem suam acce-
dere voluit Illust. NETTELBLADIUS in Biblioth. S. Goth. Part.
I. p. 113. ubi ipse quoque ceu verissimam agnoscit hanc utrius-
que gentis conjunctionem, sed quam ultra tria secula, &
novissimam sub ERICO Suetbiae rege invasionem terrae hujus,
nullo modo durasse contendit.

(c) Tigrim & Euphratem magna sui regni munimen-
ta esse, apud Curtium DARIUS agnoscit, & qui nuperri-
mè Sinicae gentis historiam consignare, portentosi conaminis
murum tantum non praestitisse ad gentis securitatem facien-
tur, quantum maris insulas, montium & fluminum naturali
opere valide munitas.

(d) TAVASTLANDIAE nomine quid BIRGERUS JARL,
qui regionem Suetbico imperio subjugem fecit, designare vo-
luerit, multifariam multi conjectanti Gothicae originis illud
esse nemo dubitat, cui Fennicae linguae nomenclatura multo
diversissima, Hæme & Hamenma non penitus ignota. De
nominis illius auctore certe non dubitandum est, quin, alio-
rum more nomenclatorum, significativam esse voluerit novi
nominis impositionem, adeoque in conferendo signo illo, partim in-
colatus illius conditionem, partim etiam facti & fortunae nup-
eram justificationem respexerit. Mibi nomen constatum esse videtur a
LUNA corripere, WAN & WATN aqua, & denique LAND terra.
Sensu igitur conjuncto suo, nostrae convenienter menti opinionisq;
exprimere velle videtur vox illa continentem aquis irriguam
& victoribus armis subjugatam. WASSER & WATN Scythi-

cae originis voces, quid dialecto Gothica significant WASTE-
NA & WASSBO, notissima nomina satis apte demonstrant.
Quid sibi velint IA & TAKA, familiaris Gothica nomina
multa indignant, inprimis AETAK, SUNTAK, QVÆTTAK,
INTAKA & cetera villarum, parochiarumque nomina, quae
ditionis Folkungicae pridem fuere, & a nostratis Jarli (BIR-
GERI) aula equestri KONGSLENA, admodum non multum
distant. Confirmat quoque de violenta occupatione mentem
nostram auctoritas regia, puta CHRISTIERNI II, qui traditio-
ne arcis Holmensis, pretium, feudi nomine Viduae SIENO-
NIS STURE collaturus Tavastiam, TAGSTAHUS-CASTRUM &
TAGSTAHUS-LÆHN appellat ditionem arcis propinquam in di-
plomate, cujus in historia Praefatum & Gubernatorum re-
gni Suetbici STIERNMANNIANA habetur recensio p. 19. Quin-
que temere & praeter rationem quis existimet nomen illud
gentis impostum esse, in exempli loco MÆLERI lacus con-
gruentum. MEDLAREN b. e. intermediam inter duos ma-
jores regni lacus stationem eidem debere & proinde nostratis
mediterranei maris nomine insigniri meruisse, ERICUS OLAI
in historia arctica sua p. 116, ingeniose praetendit.

(e) Ad investigandum LADOGÆ lacus etymologiam, di-
vinandi multa a multis collata est scientia. A LAUGER a-
qua Scythia Celtisque propria voce, LAUGERN (Mæla-
ren,) Suetbiae primum, mox inde nostra quoque suum no-
men palus arceffit. A FAN & FATN S. Gothicae majores la-
cus, immo Fenniae hodie quoque Russia WENËJË dicitur.
A LAUGER, LAG nomine, LOEGA verbum, LOEGERDAG
ditionibus sacra dies, & demum maris Adriatici ostiam Ve-
netum LAGUNA dicitur. Recentem verò ex Suetbia coloniam
cum Gardariciam intraret, a fundo perennis aquae domestico
paludem, quam in novis seais suis invenirent, cognomi-
nasse non dubitabit, qui indigenarum sui nomina in colonias
sem-

semper & ubique nostrates transtulisse, & demum litteram unam alteramve vocabulis inserendi morem, nullius non gentis exterarum dialecto receptum esse, cogitaverit.

(f) CHOLMOGARDIAM cum emporio S. Michaëlis Archangeli, nescio qua ratione confundit SALANUS in sua ad Asm. & Eigilli historiam commentatione. Ad DIVINAM amnem (Winaoâhn) urbs utraque sita est. A propinquo sita, verò ad utriusque identitatem concludere non magis licet, quam a cohaerente Hamburgi & Altonae situ eandem numero urbem inducere velle. Quidquid autem sit de situ, est atiquid, quo in unum convenisse dici possunt. Quam enim conversionem instituta humana nulla non persentiscere solent, eandem Holmgardia primum, mox Archangelopolis civitas quoque experta est. Una cum efflorescente nova urbe, Holmgardia vigere desit. Rursum, quæ mercimoniorum copia per proxima secula duo dominata est Archangelopolis, condita Petropoli, senescere se hodie suarumque sensim quoque vires deficere, palam fatetur.

(*) Peringskiceldii in vitam Theodori annot. p. 531. §. XII.

SAIMEN SAVOLAXIÆ paludem esse, ejusque formam, seu filum nodis illigatum Holmgardici nominis indendi, occasionem dedisse, modo diximus. Eandem a **SABMIS** seu **SEMBIS**, & **SABMOS** a **SEMMINGER** Othiniano in illam ditionem ductore, nuncupari, prope in confesso quoque veritas posita est. **SEMI** & **SAAMI** ducem significare, & ab illo etymo **SAAMENLAAXI**, Lapporum lingua, acquisitionis seu primæ habitationis illorum terram cognominatam fuisse, una cum **RUDBECKIO**, in Lapponia sua **SCHEFFERUS** consentit. **SEMI** & **GETHARI** Noachidarum (*) in hanc plagam ductui **SABMIOS** & **GETAS** atque **SAUMIMÆN** nomina sua debere, Illust.

Illustri **VILDIO** non improbabilis conjectura apparet. **GOTUNHEIMLÆ** gigantum & semigigantum collectionem, **SAMLAND**, (*Samling*) (b) appellari meruisse, historiarum *Horvæ* auctor in ipso exordio non obscure significat. Harum utraque magis arrideat etymologia b. Lectoris arbitrium esto, cui in illa gentium & nationum mixtione primâ, unius rei plures sæpe dari homogeneas & analogas radices penitus non ignotum fuerit. Quidquid sit, **SABMIOS** quam **Lappos**, generis sui seminum, & **SAMEEDMA** quam **Lappiam** altæ dulcedinis vastitatem suam cognominari malle gentem, notum est. Complectebatur verò aboriginum **SABMIA** Jemtiæ olim, Angermanniam & longo tractu Botniæ utramque, atque demum in Careliæ, quæ **Kjænu-gardia** seu terra seminarum australis audit, & Finnoniæ finibus terminabatur. sic ut quicquid sit terrarum versus Septentrionem, usque ad oceanum & mare album (*HVITATÆSK*) nec non Ladogam lacum, circuitu suo Sabmia complexa sit. **Cajania** Russis **CAJANSKA-SEMBLA** (c) dicitur. Ab **ENARATÆSK** boreali Amazonia non procul **SAMBIA** tractus occurrit. Ne de **SEMMINGIA** Uplandiæ ultra quid moveam, quæ ante factam disjunctionem Asiaticæ coloniarum majoris minorisque, suæ in hanc plagam migrationis antesignanti memoriam adhuc retinet. Seculo IV & V, cum antiquam & maritimam Venediam intrare & paulo post inde quoque migrare inciperent Russi nomades, ex **SAMBIA** nostra (*SEMI-VARDILAND*) in **SAMBIAM** hodiernam Borussiae sedes suas transtulisse, & ex illa **SAMOGETHAS** & **SEMGALLOS** (*SEMKALLERMEN*) martiam prolem Sembiorum, descendisse nullo modo dubitandum. quicquid in miscellaneis Berolinensibus pro diversa SEM-

SEMGALLIÆ etymologia molliatur commentationis de lingua Samogethica auctor J. E. Hederus, qui a Sem terra & Gall termino *Semgalliam* cognominari existimat. *Samogedus* ultimos arctoi orbis incolae, eodemque primigeniæ Fennorum sedi, aut & *Zembla* *Sambiae* finitimos (vid. *LEIBNITIUM*) nostros Sabmios cognatione attingere perquam credibile est. Scilicet inter gentes e vagina hac egressas, quæ Baltica ad austrum littora primum, mox ipsam Germaniam inundaverunt, Semberum non obscura fuisse nomina, OL. MAGNUS in sua charta Gothica, & ex illo MUNSTERUS una cum PERINGSKIOELDIO in notis ad COCHLÆI THEODORICUM testes sunt concordantes. Certe in originibus suis Livonicis illust. HERMELINUS non dubitat, quin in Æstham una cum lingua sedes primum transtulerint Sembis mixti Fenni, & post nonnullius ævi in plaga illa commorationem, Livoniam, Prussiam & quæ plus ultra sitæ sunt terræ postmodum occupaverint. Fennorum & Æsthorum linguam a Slavonica diversam esse in Miscellaneis Berol. observat LEIBNITIUS. Ex oriente vero & aqvilone in Germaniam sese intrusisse Slavoniam & Ruziam, atque inter Holmgardenses Russos suæque oræ populos Slavos, majorem, quam quis crederet, communitatem existitisse ex Vitikindo in Hist. Germ. Imp. DIETERICUS cum SCHWARTZIO Professore Gryphico agnoscit, & demum Semlandiam Russis & Polonis contiguam una cum Ventlandia subjugatum venisse CANATUM & VALDEMARUM Daniæ reges, immo religioni S. Olavi terram utramque adstrinxisse, una cum Slavicæ gentis historiographis ADAMO ceterisque, auctor appendicis ad SAXONEM anonymus consentit. Hæc sunt, quæ de nomine SABMIORUM, eorumque in Holmgard

dia

dia vetere incolatu, plausible conjectura monuisse non ingratum spero. Dicit de SAMNIO colonia & urbe Sytharum in Italia FLORUS, ita deletas suo ævo fuisse ruinas illius, ut Samnum in Samnio quærendum esset. Eo orbe hocce utrum SAMBIORUM cum SAMNITIBUS quorundam populi vestigia aliqua nos deprehenderimus, utrum conspectui nostro omnia se subduxerint, aliis expendendum relinquo.

(a) SAMOTHEI sive ABRAHAMI sive NOACHI, a quo una cum sanguine scientiam suam omnem desumerint Philosophi & Medici & Theologi Celtarum, mentionem facit DI. KINSONIUS in disert. de Druidibus, & ex illo in antiquit. Mecklenburgicis MASIUS, Harniensis Theologus insignis. SAMVITI & BOGARINI in Moschoviam primorum ducum, quorum non multo post extincta sit memoria, fide chronicorum Moschovitiorum SCHOETGENIUS meminit. SAMOTHEUM coelestem, jurisque divini & humani peritissimum significare DI. KINSONIUS urget. BOG vero nomine, cum DEUM Russi expressum velint; SAMVITUS autem a Witt, Witting, Wits ingeniosum, bonæque conscientiae (SAMWET) Visirium denotet, som sāmjar ritet, qui regnum lege & bonis moribus administrat, (Hervor. Hist. C. 14.) utrum de SEMBIORUM & GOTHORUM, aut, si dicere mavui, SAMOGETHARUM cognatione primæva, & coloniarum utriusque, boream versus, primorum temporum peregrinatione, conjectatio nova inde exculpi possit, in medium relinquo. Id de Celtarum philosophis certum est, quod quo propior esset Theologia eorum origini suæ, tanto sincera magis & fonti suo similior existerit antequam damnandis ritibus & superstitionibus, tractu temporis incrustaretur. Verum utcumque illa se res habeat, quod ad fontem & indolem vocis SAMVITI, cui non male convenire diximus modo appellativi nominis, mox proprii

D

prii characterem, ne praeter rationem id a nobis factum quis existimet, sciendam Illustris LEIBNITII auctoritatem in idem factum nos imprimis sequi, qui in Miscell. Berolinensibus eam naturam linguae tantum non omni tribuit, quod appellativa nomina propriis priora sint censenda; & quae, procedente tempore, facta sunt propria, eadem usu siue simplici suo, siue composito, prudentiam, fortitudinem aliamve cum virtute conjunctam qualitatem denotare ait. THEODORICI & FREDRICI nomen in exemplum ipse adducit. Exprimit altitudinem animi eandem quoque Samviti boni ominis appellatio, neque sine consilio & acri judicio dignitati tuendis gentibus devotae illa accommodatur. Apud Sueo. Gothos nostros, quam in conferendo nominis signo, quomodi notam liberis suis parentes assignaverint, unde quibus moribus semet accommodare deberent, colligere ipsi possent, istud inquam, cum more sua graphica & scite Dr. Doctor CELSIUS expresserit in observatione sua quoque ad litter. Sv. anni 1727. inserta, hac de re pluribus disserere non est opus.

(b) Lappi cum Fennis & Samogedis unius originis esse videntur SCHEFFERO. Patriam, quae hodie Fennorum est, Lappos, una cum imperio Sueonum heic loci invalescente, destituisse idem sentit. Nos Auctoris de SAMOGEDARUM & SAMOGETHARUM cum Fennis consanguinitate hypothesin in antecedentibus adeo non negavimus, ut eidem magis accesserimus. Lingua enim, originis respectu invicem non dissimilis, corporis & ingenii constitutio, nec non privatae vitae ratio, usque hodie retinens vestigia pristinae formae, de sanguinis nexu certe non obscure loquuntur. Quod vero emigratio gentis, ante Suecorum sub ERICO rege irruptionem, nulla acciderit, adeoque cum finitimis ante nulla consuetudo existeret, id ut credamus ulla neque circumstantia, neque ratio


nos inducit. Fennorum & Creto-Fennorum; (Skrid Finnar) gentem, quod ad vitae modum, quem ab antiquo retinet, ante multo nobis non pauci exposuerunt. Eundem cum rationibus economicis, quae in Sembla, Sambia (Vide LEIBNITIIUM) & Cajenska-Sembla hodie obtinent, quicquid conferre voluerit, sanguinis & linguae nexum ad socialia vitae commercia, quamvis sub alieno, puta Fennico nomine, vicinas gentes multo ante excoxisse, nemo dubitat.


(c) Noeteburgum castrum Careliae munitissimum a TORKILEO CANUTI, nostrae gentis prorege exstructum, idemque arcendis Russorum latrociniis destinatum, Moschovitibus Venes-Zembli dicit, & cum Suetbico Landscrona eandem omnino rem importare arbitraturs Nobil. SCHOENSTROEM in sua ad Hist. Suec. Introduct. Stant ab iisdem partibus procul neque, qui in Persidem tendentes nuper per regionem SAMOGEDARUM, vi vocis cum antropophagis coincidere appellationem istam contendunt. Verum respectu ante dictorum, Lappiam Moschovitiscam sub notatione priori potius, exprimi existimaverimus. Quae Zembli & Zembli nominis ratio sit censenda, modo diximus. Vanælae fere a VANIS Celtis primorum temporum colonis, iisdemque aquam omnium rerum principiam statuentibus, terram Russorum cognominari, veritas est ad umbilicum deducta, Slavici, Russive idiomate vernaculo utrum VENEZ regionem & ZEMBLI coronam significet, qui in antiquitatibus linguae utriusque me magis versati sunt, non longe videbunt.

Partis hujus historico-etymologicae SYNOPSIS

§. 1. 2. 3. Asiaticorum in Septentrionem immigrationis priscae & recentioris mentionem in-

- jiciunt, præcipue vero familia OTHINIA.
Næ per regna aquilonaria primum, mox Venedorum, cognata gentis, plagam, dispersionum.
- §. 4. Imperium Moschovia hodie vastissimum in minora multo corpora politica olim divisum fuisse, ait.
- §. 5. Regiones TANAI adjacentes, præcipue vero, quæ sinum Venedicum proxime contingunt, imperio S. Gothico quondam subiecta erant.
- §. 6. 7. 8. 9. Ex Scandri colonos & dynastas olim habuisse terram, gentemque Moschoviticam, nomina, quibus universus tractus ille insignitur, quæque mere Gothica sunt, satis apte demonstrant.
- §. 10. Ostrogardiæ an verò Holmgardiæ appellatio prior & antiquior?
- §. 11. HOLMGARDIÆ quæ ratio denominationis?
- §. 12. De SAIMEN lacu, nec non SAMBIIS, quæ quondam, quæ hodie sint observanda non nulla inculcat.





Luccia
antiquitalis

